



1680
2086
PS 117

Bosnia and Herzegovina
Federation of Bosnia and Herzegovina
CANTON SARAJEVO
Anti-Corruption and Quality Control Office

Broj: 20-04-12553-74/20
Sarajevo, 05.06.2020. godine

SKUPŠTINA KANTONA SARAJEVO
n/r Predsjedavajućeg, dr. Mirza Čelik

PREDMET: Odgovor na Zastupničko pitanje zastupnice Neire Dizdarević, *dostavlja se.-*

(**Veza:** Vaš akt broj: 01-04-12553-74/20 od 28.05.2020. godine)

Ured za borbu protiv korupcije i upravljanje kvalitetom Kantona Sarajevo (u daljem tekstu: Ured), zaprimio je dana 29.05.2020. godine, Vaš akt broj i datum veze, u prilogu kojeg ste Uredu dostavili Zastupničko pitanje zastupnice Neire Dizdarević, u kojem je imenovana od Ureda zatražila informaciju u kojoj se fazi nalazi aktivnost Ureda vezano za pokrenutu reviziju diploma zaposlenih u organima uprave, stručnim i drugim službama, institucijama, zavodima, agencijama, direkcijama, javnim ustanovama, javnim preduzećima i pravnim licima, čiji je osnivač Kanton Sarajevo.

S tim u vezi, Ured se ovim putem izjašnjava kako slijedi.

Naime, dana 13.12.2019. godine, Vlada Kantona Sarajevo donijela je Zaključak, broj: 02-05-43114-18/19 od 13.12.2019. godine, kojim je prihvaćena inicijativa Ureda za pokretanje naprijed navedene revizije diploma, te je u tački 2. citiranog Zaključka, navedeno da se Ured zadužuje da putem institucija iz tačke 1. Zaključka, od obrazovnih ustanova koje su izdale diplome o stečenoj stručnoj spremi njihovih zaposlenika, u skladu sa podacima iz personalnog dosjea, zatraži provjeru vjerodostojnosti istih.

Prva faza realizacije ove aktivnosti podrazumjeva dostavljanje podataka Uredu od strane institucija, o školskoj spremi lica koja su zaposlena u tim institucijama, dok druga faza podrazumjeva proces provjere dostavljenih podataka kod nadležnih obrazovnih institucija, a koju fazu provodi isključivo Ureda.



web: <http://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277,
Fax: + 387 (0) 33 562-217
Sarajevo, Reisa Džemaludina Čauševića 1



S ciljem što efikasnijeg provođenja navedene aktivnosti, odmah po donošenju citiranog Zaključka Vlade Kantona Sarajevo, Ured je pristupio kreiranju unificiranog Obrasca za dostavu podataka o školskoj spremi (u daljem tekstu: Obrazac), kao i izradi samog Uputstva za popunu obrasca za dostavu podataka o školskoj spremi (u daljem tekstu: Uputstvo).

Nakon kreiranja i izrade navedenih akata, Ured je dana 06.02.2020. godine, svim institucijama u Kantonu Sarajevo, uputio akt broj: 20-02-3028/20, u kojem je zatraženo dostavljanje podataka, u što kraćem roku, ne dužem od 30 dana, uz napomenu da je potrebno da se Obrazac popuni sa dužnom pažnjom, a sve s obzirom na činjenicu da se radi o izrazito bitnoj aktivnosti, gdje jedna greška može izazvati ozbiljne posljedice.

Bitno je istaći da je navedeni zahtjev upućen svim institucijama u Kantonu Sarajevo, putem protokola, a dodatno i putem e-maila, u prilogu kojeg je svakoj instituciji dostavljen djelimično popunjen Obrazac od strane Ureda (sa dostupnim podacima o zaposlenim licima u toj instituciji, koje je Ured prethodno exportovao iz Registra zaposlenih), kao i navedeno Uputstvo za popunu dostavljenog Obrasca.

Ovim putem ističemo da je do momenta sačinjavanja ovog Odgovora, od ukupno 213 institucija u Kantonu Sarajevo kojim je dostavljen predmetni zahtjev, 167 institucija dostavilo je tražene podatke Uredu. Za institucije koje nisu dostavile tražene podatke, upućen je zvanični dopis/urgencija resornim ministarstvima.

Zaprimljene podatke od strane institucija Ured svakodnevno i kontinuirano importuje u informacioni sistem, međutim, u svakodnevnom radu nailazimo na situaciju da više od 50% dostavljenih podataka ne omogućava programiranu opciju importa, kako je prvobitno zamišljeno, a sve iz razloga što institucije ne dostavljaju na ispravan način popunjen Obrazac (evidentan je veliki broj dostavljenih obrazaca sa tehničkim nepravilnostima).

Ovdje je bitno istaći činjenicu da je Ured za potrebe provjera diploma nadogradio informacioni sistem, koji je odličan alat za brzu i neovisnu detekciju nepodudarnosti između dostavljenih podataka iz personalnih dosjea, sa podacima iz matičnih evidencija obrazovnih ustanova kao izdavaoca diploma/uvjerenja.

Sve naprijed navedeno iziskuje dodatno vrijeme, napore i angažman zaposlenika Ureda, koji svakodnevno vrše telefonsku komunikaciju sa predstavnicima institucija, pružajući im tom prilikom savjetodavnu pomoć prilikom pravilnog popunjavanja Obrasca.

Unatoč naprijed navedenim problemima, sa kojima se zaposlenici Ureda susreću na dnevnoj bazi, do dana sačinjavanja ovog Odgovora, u informacioni sistem Ureda uspješno su importovani podaci za 10.067 lica, od ukupno 11.196 lica, za koje su dostavljeni traženi podaci do dana sačinjavanja ovog Odgovora.

Takođe je bitno istaći i činjenicu da su institucije, pored diplome koja je kao uslov tražena za konkretno radno mjesto, dostavljale i sve druge diplome koje egzistiraju u personalnom dosjeu svakog zaposlenika pojedinačno, a što je u konačnici povećalo obim poslova Ureda prilikom importa podataka u informacioni sistem.



web: <http://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277,
Fax: + 387 (0) 33 562-217

Sarajevo, Reisa Džemaludina Čauševića 1



Uporedo sa svakodnevnim importom novih podataka koji pristižu, vrši se i tzv. export već unijetih podataka, a koji podaci se potom dostavljaju nadležnim obrazovnim institucijama, kao izdavaocima diploma o stečenoj stručnoj spremi, sa ciljem provjere vjerodostojnosti istih.

S tim u vezi, do dana sačinjavanja ovog Odgovora, Ured je uputio Zahtjev za provjeru vjerodostojnosti izdatih diploma, svim državnim univerzitetima na području Federacije BiH, dok je do kraja tekućeg mjeseca u planu, da se isti zahtjev uputi i svim privatnim univerzitetima/visokoškolskim ustanovama u Federaciji BiH, a nakon čega će se pristupiti i provjerama diploma izdatih od strane obrazovnih institucija sa područja Republike Srpske.

Još jedan od potencijalnih gorućih problema, sa kojima bi se Ured mogao susresti u nastavku provođenja navedenih aktivnosti, je vrlo izvjesna mogućnost postavljanja zahtjeva za novčanu naknadu, za izvršene provjere od strane određenih univerziteta (do ovih saznanja zaposlenici Ureda su došli putem usmene komunikacije sa predstavnicima određenih univerziteta), a što Ured, s obzirom na ograničena novčana sredstva u budžetu, neće moći finansijski „ispratiti“.

Uzimajući u obzir sve naprijed navedeno, ovim putem takođe želimo istaći činjenicu da Ured, iako podkapacitiran, kontinuirano provodi mjere, radnje i aktivnosti usmjerene na realizaciju navedenog Zaključka, pokušavajući pritom prevazići sve naprijed iznijete probleme i poteškoće sa kojima se svakodnevno susreće u radu, a sve uz maksimalan angažman svih zaposlenika Ureda.

Na kraju ističemo, da će Ured putem informacionog sistema, a nakon importovanih svih podataka o izvršenim provjerama, sačiniti konačni Izvještaj, koji će dostaviti Vladi Kantona Sarajevo, a sve u skladu sa tačkom 4. citiranog Zaključka.

S poštovanjem,



Dostaviti:

1. Naslovu
2. Stručna služba Vlade
3. a/a



web: <http://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277,
Fax: + 387 (0) 33 562-217
Sarajevo, Reisa Džemaludina Čauševića 1

